

MERKATARITZAKO AHOALKULARITZA KONTSEILUA ETA GARBERAREN ZABALKUNDEA DIRELA ETA, KONTROL MOZIOA

Josu Mirena Ruizek, EH BILDU udal taldeko zinegotziak, Udalbatzaren Araudi Organikoaren 98. artikulua oinarri, honako KONTROL MOZIO hau aurkezten du, Merkataritzako Aholkularitza Kontseilua eta Garberaren zabalkundea direla eta, Osoko Bilkuran azter dadin. Mozio hau Pertsonen Batzordean 2018ko irailaren 17ko bilkuran egindako interpelazioaren ondorio da.

JUSTIFIKAZIOA

Merkataritzako Aholkularitza Kontseiluak iazko abenduaren 22an egindako bileran Garberaren zabalkundearen eragina aztertzen zuen txostenaren aurrerapena aurkeztu zen. Eragileen galderak eta iradokizunak zirela eta, bilera horren aktak hauxe dio: "*Gasco jaunak, jasotako iradokizunak ikusita, aurkeztutako aurrerapenean lanean jarraitzea eta kontseiluaren beste bilera batean behin betiko azterlanaren beste azalpen bat egitea proposatu du. Zinegotziak Donostiako Sustapeneko Kontseiluan gai horri buruz aritzeko berariazko saio bat deitzeko konpromisoa hartu du, eta baita gai horri buruz aritzeko berariazko Merkataritzako Aholku Batzorde baterako deia egiteko ere.*"

Ernesto Gascok ez du hitza bete, behin betiko txostena azaltzeko ez baitu Sustapeneko Kontseilua edota Merkataritza Aholku Batzordea deitu. Are okerrago, Udalbatzak Garberaren zabalkundea behin betiko onartu zuen uztailaren 19an, eta udal taldeok txostena uztailaren 27an jaso genuen emailaz (Udal Gobernuak Garberaren zabalkundearen tramiteei heldu eta handik bi urte eta erdira, hain zuzen ere). Gainera, 2018an behin baino ez da elkartu Merkataritza Aholkularitza Kontseilua, ekainaren 29an, eta gai zerrendan, eragileen harridurarako, Garberaren gaia ez zen azaltzen.

Txostena irakurrita, Udal Gobernuaren azpijokoa erraz uler daiteke. Nekez justifika daiteke-eta zabalkundea txostenean ageri diren datuekin. Datuen arabera (2016koak), Baionatik Donostiara doan tartean merkataritza guneen m²/1000 biztanle kopurua 377koa

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.eus -
20003 Donostia

da. Datu hau Herberehetakoa (362), Danimarkakoa (311), Euskal Autonomia Erkidegokoa (306), Espainiakoa (277), Frantziakoa (272), Erresuma Batukoa (265), Alemaniakoa (181) edo Belgikakoa (118) baina handiagoa da.

Gauzak horrela, guk aurkeztutako interpelazioak honela zioen:

1-Zer dela eta txosten hau ez zen aurkeztu Garberaren behin betiko onarpena eman aurretik? Zergatik ezkutatu zaie udal taldeei eta merkataritza alorreko eragileei?

2-Zergatik ez du hitza bete Gasco jaunak? Gobernantza berriaren eredia al da hau?

3-Garberaren zabalkundearen tramitazioari agintaldi hasieran ekin zion Udal Gobernuak, baina txostena aurtengo uztailean aurkeztu du. Bi urte eta erdi horietan, zergatik bultzatu du Udal Gobernuak Garberaren zabalkundea haren eraginari buruzko txostenik izan gabe?

4-Udal Gobernuak sustatzen ari den merkataritza gune handi guztiak gauzatuz gero, zein egoeratan geratuko dira gure hiriko merkataritza eta denda txikiak? Nolako eragina izango du hiri eredian? Ba al du Udal Gobernuak eginda horri buruzko txostenik? Ez badu, zergatik ez? Eta egiteko asmoa al du?

Udal Gobernuak, bere erantzunean, Garberaren zabalkundea epai baten ondorio dela adierazi zuen. Argudio bezala gezurra erabiltzea, jakinda gezurretan ari direla, gobernu ustelen praktikak izan ohi dira. Argi gera dadin, epaiaren 3. puntuak horrela dio: "Tercero: Debemos desestimar y desestimamos la pretensión de que ordenemos la revision del apartado A.U.IN. 09 "Garbera" del mencionado Plan General de Ordenación Urbana para incluir en el mismo todas las previsiones del Convenio y, en particular, la ampliación de la edificabilidad de "IN-09. Garbera" en los términos que se acordaron en el mismo".

Interpelazioan egindako gainerako galderak ez zituen erantzun nahi izan Udal Gobernuak.

Hau guztia dela-eta, hauxe da behean sinatzen duen zinegotziak aurkeztutako

KONTROL MOZIOA

- 1- Donostiako Udalbatzak Udal Gobernuari eskatzen dio hitza ematen duenean bete dezala.
- 2- Donostiako Udalbatzak Udal Gobernuari eskatzen dio ez dezala berriro ere ideia faltsurik zabaldu Garberaren zabalkundea sustatzeko arrazoiez.

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.eus -
20003 Donostia

2- Donostiako Udalbatzak Udal Gobernuari eskatzen dio arduraz joka dezala eta azter dezala nolako eragina izango luketen Donostiako merkataritzan hirian bertan eta hiritik 25 kilometrora aurreikusita dauden merkataritza gune guztiek (Belartza barne).

Donostian, 2018ko irailaren 20an

Josu Mirena Ruiz Martin
EH Bildu udal taldeko zinegotzia